




1146 1147 1148



厥陰風木司天少陽相火在泉中見少宮土運歲
 土不及氣化運行後天風化爲天氣灼化左藏化
 右故天氣擾而其政撓苦化爲地氣清化左齡化
 右故地氣正而其令速風生高遠炎熱從之雲趨
 雨府濕化乃行風火同德上應歲星熒惑其穀蒼
 丹間穀言太商者其耗文角品羽風化清化勝復
 同所謂邪氣化日也風化三濕化五火化七所謂
 正化日也毛蟲靜羽蟲育是謂歲物之宜介蟲耗
 寒毒不生是皆地氣所制風燥火熱勝復更作熱

重刊聖濟總錄 卷之三
痛行於下風病行於上風燥勝復形於中陰在上
陽在下天氣虛當資化源以助木氣歲土不及上
角與正角同其邪乃微必贊其運氣無使邪勝歲
宜以辛調上以鹹調下畏火之氣無妄犯之故曰
其化上辛涼中甘和下鹹寒藥食宜也歲半之前
厥陰風化主之若風淫所勝則太虛埃昏雲物以
擾寒生春氣流水不冰民病胃脘當心而痛上支
兩脅鬲咽不通飲食不下舌本強食則嘔冷泄腹
脹澹泄痕水閉蟄蟲不去病本於脾診在足衝陽

之脉法宜平以辛涼佐以苦甘以甘緩之以酸寫
之歲半之後少陽相火主之若火淫於內則焰明
郊野寒熱更至民病注泄赤白少腹痛溺赤甚則
血便法宜治以鹹寒佐以苦辛以酸收之以苦發
之歲運之化紀曰卑監是謂減化化氣不令生政
獨彰長氣整雨乃愆收氣平風寒並興草木榮美
秀而不實成而糝也其氣散其用靜定其動瘍涌
分潰癰腫其發濡滯其化兼所不勝風化盛行四
維有埃雲潤澤之化則春有鳴條鼓拆之政四維

發振拉飄騰之變則秋有肅殺霖霖之復其青四
維其藏脾其病內舍心腹外在肌肉四肢上臨厥
陰氣同正角民病飧泄邪傷脾也法宜治以甘和
初之氣自戊戌年大寒日亥初至是歲春分日酉
初凡六十日八十七刻半主位少角木客氣陽明
金中見土運土生金清化行寒始肅殺氣方至民
病寒於右之下宜治陽明之客以酸補之以辛寫
之以苦泄之歲穀宜蒼間穀宜黍制其燥邪弗能
爲害二之氣自春分日酉正至小滿日未正凡六

十日有奇主位太徵火客氣太陽水中見土運濕
寒合氣以行舒榮之化寒不去華雪水冰殺氣施
化霜乃降名草上焦寒雨數至陽復化民病熱於
中宜治太陽之客以苦補之以鹹寫之以苦堅之
以辛潤之歲穀宜蒼間穀宜稷制其寒邪弗能爲
害三之氣自小滿日申初至大暑日午初凡六十
日有奇主位太徵火客氣厥陰木中見土運木勝
土天政布風乃時舉民病泣出耳鳴掉眩宜治厥
陰之客以辛補之以酸寫之以甘緩之歲穀宜蒼

間穀宜稻制其風邪莫能爲害四之氣自大暑日
午正至秋分日辰正凡六十日有奇主位少宮土
客氣少陰火中見土運土居其位少陰居之溽暑
至濕熱相薄爭於左之上民病黃痺而爲腑腫宜
治少陰之客以鹹補之以甘寫之以酸收之歲穀
宜丹間穀宜豆制其邪熱莫能爲害五之氣自秋
分日巳初至小雪日卯初凡六十日有奇主位太
商金客氣太陰土中見土運氣與運同燥濕更勝
沈陰乃布寒氣及體風雨乃行宜治太陰之客以
甘補之以苦寫之以甘緩之歲穀宜丹間穀宜麻
制其濕邪莫能爲害是氣也無犯司氣終之氣自
小雪日卯正至大寒日丑正凡六十日有奇主位
少羽水客氣少陽火中見土運土火相得畏火司
令陽乃大化蟄蟲出見流水不冰地氣大發草乃
生人乃舒其病溫厲宜治少陽之客以鹹補之以
甘寫之以鹹熅之歲穀宜丹間穀宜豆制其火邪
莫能爲害歲氣大法風勝則有陽明之復火勝則
有太陽之復觀氣所至各以其法治之

少陰君火司天陽明燥金在泉中見太商金運歲
金太過氣化運行先天堅成之紀曰上徵與正商
同經又曰太商下加陽明太過而加同天符天符
爲執法是謂平氣之化命曰審平之紀收而不爭
殺而無犯五化宣明其氣潔其性剛其用散落其
化堅斂其政勁肅其候清切其令燥其類金其應
秋其穀稻其果桃其實殼其蟲介其畜雞其物外
堅其色白其味辛其音商其數九其在人也在藏
爲肺在竅爲鼻在體爲皮毛在病爲欬此歲運所

主也天地之氣熱化在上左柔化右動化故天政所布其氣明辛化在下左藏化右明化故地氣肅而其令切二歲交司之氣寒交暑天地相應之氣熱加燥雲馳雨府濕化乃行時雨乃降金火合德上應熒惑太白其穀丹白熱化七清化九燥化九所謂正化口也羽蟲靜介蟲育是謂歲物所宜毛蟲耗濕毒不生是謂地氣所制水火寒熱持於氣交而爲病始熱病生於上清病生於下寒熱相犯而爭於中民病欬喘血溢血泄眦噎目赤背瘍寒

以入胃心痛腰痛腹大噤乾腫上歲半之前少陰君火以司天氣少陰之化有本標之異寒熱得中其氣乃和而無熱淫之勝歲半之後陽明燥金以司地氣陽明不從標本以中氣爲化燥濕相兼其化乃平而無燥淫之勝是歲平金無勝復不取化源惟資歲勝折其鬱氣無使暴過而生其病歲宜以鹹寒調其上以酸溫安其下以辛溫調其中食丹白之穀以金真氣食間氣之穀以辟虛邪運同地氣宜多濕熱化司氣以涼用涼遠涼此其道也

初之氣自巳亥年大寒日寅初至是歲春分日子
初凡六十日八十七刻半主位少角木客氣太陽
水中見金運風寒燥三氣同奉少陰之政以行春
令地氣遷燥將去寒乃始熱復藏水乃冰霜復降
風乃至陽氣鬱民反周密關節禁固腰膝痛炎暑
將起中外瘡瘍宜治太陽之客以苦補之以鹹寫
之以苦堅之以辛潤之歲穀宜丹間穀宜稷乃無
寒邪之害二之氣自春分日子正至小滿日戌正
凡六十日有奇主位太徵火客氣厥陰木中見金



運風火燥三氣同奉少陰之政以行舒榮之化木
火相得陽氣布風乃行春氣以正萬物應榮寒氣
時至民乃和其病淋目瞑目赤氣鬱於上而熱宜
治厥陰之客以辛補之以酸寫之以甘緩之歲穀
宜丹間穀宜稻乃無風邪之害三之氣自小滿日
亥初至大暑日酉初凡六十日有奇主位太徵火
客氣少陰火中見金運二火勝運又爲天政所布
故大火行庶類蕃鮮寒氣時至民病氣厥心痛寒
熱更作欬喘目赤宜治少陰之客以鹹補之以甘

寫之以酸收之歲穀用丹間穀用豆乃無熱邪之
害四之氣自大暑日酉正至秋分日未正凡六十
日有奇主位少宮土客氣太陰土中見金運土得
其位以生運金二氣相得以行陽明之令溽暑至
大雨時行寒熱互至民病寒熱嗑乾黃痺飢餓飲
發宜治太陰之客以甘補之以苦寫之以甘緩之
歲穀用白間穀用麻乃無濕邪之害五之氣自秋
分日申初至小雪日午初凡六十日有奇主位太
商金客氣少陽火中見金運歲金雖得位客氣少

陽用事清化乃抑畏火臨暑反至陽乃化萬物乃
生乃長榮民乃康其病溫宜治少陽之客以鹹補
之以甘寫之以鹹熅之歲穀用白間穀用豆乃無
火邪之害終之氣自小雪日午正至大寒日辰正
凡六十日有奇主位少羽水客氣陽明金中見金
運金氣相符水氣生之又爲歲之司氣金氣乃平
故燥令行餘火內格民病腫於上欬喘甚則血溢
寒氣數舉則霧霧翳病生皮膚內舍於脅下連少
腹而作寒中宜調陽明之客以酸補之以辛寫之

以苦泄之歲穀宜白間穀用黍乃無燥邪之害是
氣也司氣以涼用涼無犯是謂至治

辛丑歲



太陰濕土司天太陽寒水在泉中見少羽水運歲
水不及氣化運行後天涸流之紀曰上宮與正宮
同是歲天氣平又少羽下加太陽不及而加同歲
會凡歲會爲行令此運化亦平也諸同正歲氣化
運行同天歲運旣平命曰靜順之紀藏而勿害治
而善下五化成整其氣明其性下其用沃衍其化
凝堅其政流演其候凝肅其令寒其類水其應冬
其穀豆其果栗其實濡其蟲鱗其畜彘其色黑其
味鹹其音羽其數六其在人也其藏爲腎其主二

陰其養骨髓其病厥此歲運之化也天地之氣濕化在上明化左灼化右故地氣上騰而其政肅鹹化在下動化左清化右故天氣下降而其令寂陰專其政陽氣退辟大風時起原野昏霧白埃四起雲奔南極寒雨數至物成於差夏濕寒合德黃黑埃昏流行氣交上應鎮星辰星其穀齡元故陰凝於上寒積於下寒水勝火則為水雹陽光不治殺氣乃行民病寒濕腹滿身臃臃腫痞逆寒厥拘急故有餘宜高不及宜下有餘宜晚不及宜早土

之利氣之化也民氣亦從之間穀命太徵太商者歲氣既平不取化源唯折其水鬱之氣無使邪勝食齡元之穀以全其真食間氣之穀以保其精歲宜以苦熱調上以苦熱調下以苦和調中燥之溫之歲半之前天氣太陰主之太陰所至為雲雨其化從本當其時多行雨濕化者太陰之政也歲半之後地氣太陽主之太陽所至為寒霧其化從本從標當其時寒氣至而熱氣應者地氣之平也初之氣自庚子年大寒日巳初至是歲春分日卯初

凡六十日八十七刻半主位少角木客氣厥陰木
中見水運木當其位水運統之奉太陰之政而行
春令地氣遷寒乃去春氣正風乃來生布萬物以
榮民氣條舒風濕相薄雨乃後民病血溢筋絡拘
強關節不利身重筋痿宜治厥陰之客以辛補之
以酸寫之以甘緩之歲穀用麩間穀用稻乃無客
風之害二之氣自春分日卯正至小滿日丑正凡
六十日有奇主位太徵火客氣少陰火中見水運
火當其位陰精承之寒熱二氣奉太陰之政以行



舒榮之化大火正物承化民乃和其病溫厲盛行
遠近咸若濕蒸相薄雨乃時降宜治少陰之客以
鹹補之以甘寫之以酸收之歲穀宜麩間穀用豆
乃無客熱之害三之氣自小滿日寅初至大暑日
子初凡六十日有奇主位太徵火客氣太陰土中
見水運天政所布濕氣降地氣騰雨乃時降寒乃
隨之感於寒濕民病身重腑腫胃腹滿宜治太陰
之客以甘補之以苦寫之以甘緩之歲穀用麩間
穀用麻乃無濕邪之害四之氣自大暑日子正至

秋分日戌正凡六十日有奇主位少宮土客氣少陽火中見水運火土相得奉太陽之令畏火臨溽蒸化地氣騰天氣否隔寒風曉暮蒸熱相薄草木凝烟濕化不流則白露陰布以成秋令民病腠理熱血暴溢瘧心腹滿熱臚脹甚則腑腫宜治少陽之客以鹹補之以甘寫之以鹹奠之歲穀用元間穀用豆乃無熱邪之害五之氣自秋分日亥初至小雪日酉初凡六十日有奇主位太商金客氣陽明金中見水運金當其位與水運相得慘令已行

寒露下霜乃早降草木黃落寒氣及體君子周密民病皮腠宜治陽明之客以酸補之以辛寫之以苦泄之歲穀用元間穀用黍乃無客燥之害終之氣自小雪日酉正至大寒日未正凡六十日有奇主位少羽水客氣太陽水中見水運氣與運符會寒大舉濕大化霜乃積陰乃凝水堅冰陽光不治感於寒則病人關節禁固腰脰痛寒濕持於氣交而爲疾也宜治太陽之客以苦補之以鹹寫之以苦堅之以辛潤之歲穀用元間穀用稷乃無客熱

之害是歲行平氣之化歲會爲行令無淫氣勝復
唯行德化政令然土爲天氣水爲地氣水土雖睦
而運化不及濕土在上土氣刑之或有濕邪其氣
亦微內經所謂中行令者其病徐而持也

壬寅歲



少陽相火司天厥陰風木在泉中見太角木運歲
木太過氣化運行先天太角下加厥陰太過而加
同天符天符爲執法平木之化也命曰敷和之紀
木德周行陽舒陰布五化宣平其氣端其性隨其
用曲直其化生榮其政發散其候溫和其類草木
其物中堅其令風其應春其穀麻其果李其實核
其蟲毛其畜犬其色蒼其味酸其音角其數八其
在人也其藏肝其主目其養筋其病裏急支滿此
歲運所主也天地之氣火化在上左清化右柔化

重校聖濟總錄 卷之十一
故天氣正而其政嚴酸化在下左灼化右藏化故
地氣擾而其令撓風乃暴舉木偃沙飛炎火乃流
陰行陽化雨乃時應火木同德上應熒惑歲星其
穀丹蒼風熱參布雲物沸騰太陰橫流寒乃時至
涼雨並起民病寒中外發瘡瘍內爲泄滿聖人遇
之和而不爭徃復之作民病寒熱瘡泄聾瞶嘔吐
上怫腫色變歲半之前天氣少陽主之少陽所至
爲炎暑其化從本當其時火化盛行風氣應之候
乃和歲半之後地氣厥陰主之厥陰所至爲風府

其化不從標本而以中氣爲化當其時風從火化
者厥陰之中也是歲運化既平不取化源惟贊所
不勝則暴過不生苛疾不起歲宜以鹹寒調上以
辛涼調下以酸和調中滲之泄之漬之發之運同
風熱宜多寒化司氣以溫用溫遠溫治之常也初
之氣自辛丑年大寒日申初至是歲春分日午初
凡六十日八十七刻半主位太角木客氣少陰火
中見水運木火相得運當其位以奉少陽之政而
行春令地氣遷風勝乃搖寒乃去候乃大溫草木

重校聖濟總錄 卷之三十一 五言 燕遠堂
早榮寒來不殺溫病乃起其病氣拂於上血溢目
赤欬逆頭痛血傷脅滿膚腠中瘡宜治少陰之客
以鹹補之以甘寫之以酸收之歲穀宜丹間穀宜
豆則熱不爲邪二之氣自春分日午正至小滿日
辰正凡六十日有奇主位少徵火客氣太陰土中
見木運風濕之氣奉畏火之政以行舒榮之化火
反鬱白埃四起雲趨雨府風不勝濕雨乃零民乃
康其病熱鬱於上欬逆嘔吐瘡發於中胃嗌不利
頭痛身熱昏憤膿瘡宜治太陰之客以甘補之以

苦寫之以甘緩之歲穀宜丹間穀宜麻則濕不爲
邪三之氣自小滿日巳初至大暑日卯初凡六十
日有奇主位少徵火客氣少陽火中見木運火當
其位與木運之氣相得天政布炎暑至少陽臨上
雨乃涯民病熱中聾瞶血溢膿瘡欬嘔衄衄渴噎
欠喉痺目赤善暴死宜治少陽之客以鹹補之以
甘寫之以鹹奠之歲穀宜丹間穀宜豆則火不爲
邪是歲木氣適平自無暴死四之氣自大暑日卯
正至秋分日丑正凡六十日有奇主位太宮土客

重校聖濟總錄 卷之十一
氣陽明金中見木運風燥之氣下應在泉厥陰之
令而爲天地交司秋氣早行涼乃至炎暑間化白
露降民氣和平其病滿身重宜治陽明之客以酸
收之以辛寫之以苦泄之歲穀宜蒼間穀宜黍則
燥不爲邪五之氣自秋分日寅初至小雪日子初
凡六十日有竒主位少商金客氣太陽水中見木
運水木相和與金相得當此一氣寒化早至陽乃
去寒乃來雨乃降氣門乃閉剛木早凋民避寒邪
君子周密宜治太陽之客以辛補之以鹹寫之以


苦堅之以辛潤之歲穀宜蒼間穀宜稷則寒不爲
邪終之氣自小雪日子正至大寒日戌正凡六十
日有竒主位太羽水客氣厥陰木中見木運太角
下加厥陰之時運與氣符其化和平又居水位水
木同德其化乃順地氣正風乃至萬物反生霧霧
以行其病關閉不禁心痛陽氣不藏而欬氣平之
時不應有疾或有疾者氣有所承不能無侮所謂
邪中執法也經曰中執法者其疾速而危宜治厥
陰之客以辛補之以酸寫之以甘緩之歲穀宜蒼

間穀宜稻則風不為邪此一氣司氣以溫用溫無犯也



Blank text area on the left page, consisting of several vertical columns within a rectangular border.

癸卯歲



陽明燥金司天少陰君火在泉中見少徵火運歲
火不及氣化運行後天伏明之紀曰上商與正商
同言天氣平也六元正紀曰少徵下加少陰不及
而加同歲會言歲運平也諸同正歲氣化運行同
天上見天氣平下見運火平火氣之平命曰升明
之紀正陽而治德施周普五化均衡其氣高其性
遠其用燔灼其化蕃茂其政明曜其候炎暑其類
火其應夏其穀麥其果杏其實絡其蟲羽其畜馬
其色赤其味苦其物脉其音徵其數七其在人也

其藏心其主舌其養血其病潤瘵此歲運所主也
天地之氣燥化在上左藏化右丹化故天氣急而
其政切苦化在下左柔化右動化故地氣明而其
令暴陽專其令炎暑盛行物燥以堅淳風乃治風
燥橫運流於氣交多陽少陰雲趨雨府濕化乃敷
燥極而澤其穀白丹間穀命太者其耗白甲品羽
金火合德上應太白熒惑清熱之氣持於氣交民
病欬嗑塞寒熱發暴振慄癢悶清先而勁毛蟲乃
死熱後而暴介蟲乃殃歲運熱寒化雨化勝復同

所謂邪氣化日也燥化四熱化二所謂正化日也
歲半之前天氣陽明主之陽明以中氣爲化當其
時燥濕相半者陽明得中也歲半之後地氣少陰
主之少陰有本標之化當其時寒熱得中者少陰
之氣和也歲火適平不資化源唯安運氣無使受
邪歲宜以苦辛溫調上以鹹寒調下以鹹溫調中
食白丹之穀以安其氣食間氣之穀以去其邪運
同熱氣宜多天化治之常也初之氣自壬寅年大
寒日亥初至是歲春分日酉初凡六十日八十七

刻半主位太角木客氣太陰土中見火運奉陽明
之政而行春令地氣遷陰始凝氣始肅水乃冰寒
雨化其病中熱脹面目浮腫善眠鼾衄嚏欠嘔小
便黃赤甚則淋宜治太陰之客以甘補之以苦寫
之以甘緩之歲穀宜白間穀宜麻乃無濕邪之害
二之氣自春分日酉正至小滿日未正凡六十日
有奇主位少徵火客氣少陽火中見火運三火相
符以行舒榮之化陽乃布民乃舒物乃生榮厲大
至民善暴死是歲火氣適平厲無暴死宜治少陽

之客以鹹補之以甘寫之以鹹奠之歲穀用白間
穀用豆乃無火邪之害是氣也司氣以熱用熱無
犯三之氣自小滿日申初至大暑日午初凡六十
日有奇主位少徵火客氣陽明金中見火運金居
火位天政布涼乃行燥熱交合燥極而澤民病寒
熱宜治陽明之客以酸補之以辛寫之以苦泄之
歲穀用白間穀用黍乃無燥邪之害四之氣自大
暑日午正至秋分日辰正凡六十日有奇主位太
宮土客氣太陽水中見火運寒濕之氣下奉少陰

之令寒雨降病暴仆振慄譖妄少氣嗑乾引飲及
爲心痛癰腫瘡瘍瘧寒之疾骨痠血便宜治太陽
之客以苦補之以鹹寫之以苦堅之以辛潤之歲
穀用丹間穀用稷乃無寒邪之害五之氣自秋分
日巳初至小雪日卯初凡六十日有奇主位少商
金客氣厥陰木中見火運春令反行草乃生榮民
氣和宜調厥陰之客以辛補之以酸寫之以甘緩
之歲穀用丹間穀用稻自無風邪之害終之氣自
小雪日卯正至大寒日丑正凡六十日有奇主位

太羽水客氣少陰火中見火運火氣符會陽氣布
候反溫蟄蟲來見流水不冰民乃康平其病溫宜
治少陰之客以鹹補之以甘寫之以酸收之歲穀
用丹間穀用豆乃無熱邪之害是歲氣運適平若
有邪氣則中行令其病徐而持也

重刊皇極經世一系金

卷之二

三 荆楚

